



LA BANDIERA DE VALSTAGNA

curà e scrivesto da Raffaele Serafini



edision Lengoa Veneta

setembre 2018

Marostega

La realixasiòn de tuto sto laoro de recuparo de la storia, la riprodusiòn e laori ca ghe xè drìo, i xé sta pusibili grasie a Bandierevenete del Grupo Beton Piave de Vilorba, ca da ani el se prodiga pa la difuxiòn de l'identità e storia del Popolo Veneto fra i Veneti de la Venetia e cheli de la Diaspora in tuto el mondo.

EL RITROVAMENTO DE LA BANDIERA DE VALSTAGNA

Luni 7 majo el profesor Florindo Gazzola, la dixegnadrise Sofia Bolognesi co on incargà de BANDIEREVENETE, li ndava Valstagna a la reserca de la antiga bandiera Veneta.

A la matina a le 10.30 on inpiegà del Comune de Valstagna el portava i tre so na stansa moja e jàsà del Comune, e dopo no poche riserche e rumaminti a catavimo la bandiera rento on mobileto puxà par tera. La bandiera la xera tuta piegà e da subito ghemo podesto notà la fatura. No xè noto ne l'autor e gnanca l'epoca e no se sà gnanca fa la sìpia rivà fin Valstagna!

El MANEGO el xè festo in dò tochi ca li se xonta fra de lori co on mascio femena in otòn tornii, del diametro de circa 50 mm. El manego el xè tuto coerto co on telo rosò, inborchià co borchie in otòn a tema floreàl tipego Veneto. El PONTAL el xè festo co l'armilàr in oton e stagnà (el mondo rapresentà da do serci ca li se incroxa).

La bandiera la xè in tela festa co on filato conponesto (a controlo microscopico stereoscopico) da fili minori indresà a spiràl (fa pensàr a na laorasion manùal antiga). El color del filato el xè on rosò forte e nobile, vixibile a gran distansa, ca el xè apunto el color de sfondo de la bandiera.

La bandiera la xe sta INPITURÀ FRENTE E DA DRÌO co el steso tema e se trata de l'onega bandiera conosesta ca la xè bidiresional. La man la xè chela de on artista de gran braura ca el ga inpitirà dando el senso de la tridimensionalità a tuta la conpoxisiòn. Tute le decorasiòn e el liòn li xè adiritura festi in FOJA D'ORO!

El lion el xé sentràl co la SPADA, col LIBRO SARÀ soto la sata. Le decorasiòn le xè de chele tipeghe de le bandiere Venete senpre in folia d'oro co tratì scuri pa creàr contrasto e tridimensionalità.

La sorprexa ca el grupo de archeoloji el ga catà, la xè ca la bandiera la ga ai 4 lati l'araldega de: Zara, Spalato, Sebenico, Ragusa.

-ZARA: Co probabilità a xè rafigurà San Crisogono martire a cavalo col scudo croxà e senza elmo.

-RAGUSA: A xè rafigurà San Biasio vescovo de Sebastea ente l'antiga Armenia

-SEBENICO: L'arcangelo Michiel col baston so la man dreta e la balansa so la sanca, co i piè sora na "serpe/demonio?" de color verde. El forte de San Michiel a Sebeniko el xè mensionà partir dal 1066.

-SPALATO: Vien rapresentà la parte nord de la mura del Palaso de Dioclesiàn fa el xera ente el medioevo.

Al sentro in baso invese ghe xè i tri liopardi xali incoronà so sfondo blè, ca li rapresenta la DALMASIA! I liopardi li xé senza el ròso de la lengoa, contrariamente a l'araldega canonixà.

So le sìe coe la scritta in Lengoa Veneta: TI- CO - NU - NU - CO - TI

So i lati del corpo de la bandiera la scritta in dialeto Toscan: PER TERRA -PER MARE

E sol lato suparior del corpo de la bandiera la scritta VIVA S. MARCO.

La bandiera la xè ncora in condisiòn bone, ma ente na situasiòn precaria. Se calchedon el pol el solisite le autorità parchè i se daga la briga de rancurarla co l'onor ca la mèrita.

In sostansa a se tràta de na bandiera ca par fin stràn ca la sìpia de Valstagna. On mucio de dimande le nàse:

-Xela na copia de na bandiera pi antiga? (Dei popolani li ne sujerise sta versiòn).

-Fa xelo possibile ca na bandiera cusì, de caràter marinèro, la sìpia finia in mexo ai munti de la Valsugana? La gala portà coalche profugo de la Diaspora Veneta? Xela na bandiera prestijoxà vegnèsta da le coste de la Serenisima?

-Chi podevelo ver inpitirà na bandiera co cusì gran conosimento de le araldeghe e de la storia?

Parchelo tanta cura, tanto dispendio de oro?

La bandiera de Valstagna la xe ncora on mistero.


On grupo de esperti el ga festo el studio fotograego e metrego, e deso se xé drìo far la riprodusiòn el pi fedel pusibile pa far na produsiòn in serie industriàl e a preso popolar pa tuti i Veneti del mondo. Ente la Valsugana, so tuti i penàci, a vegnarà de olta sventolar: la bandiera de Valstagna, ca ricordemo no la xè na bandiera escluxiva patrisia de nobili, ma de tuti, del Popolo Veneto, na bandiera ca la ineja a l'oniòn e la fedeltà. Ve asemo ai file imajine descrittivi.



LA BANDIERA DE VALSTAGNA



LE COE CO LA SCRITA



MEXURE DE LA BANDIERA



ESPERTI AL LAORO

SINBOLOJÌA DOPARÀ SO LA BANDIERA



ZARA



SEBENIKO



DALMASIA



RAGUSA



SPALATO

PARTIGOLAR FOTOGRAFEGHI DE L'ORIJINÀL



DETALIO DE L'ARMILÀR



VIXIÒN BANDIERA CO PARTE SUPARIOR MANEGO



ARALDEGA DALMATA



PARTIGOLAR DE LA CORNÌXA



PARTIGOLAR DE LE COE



PARTIGOLAR DE LE COE



PARTIGOLAR DEL LIBRO SOTO LA SATA DE EL LIÒN




PARTIGOLAR ARALDEGA E MANEGO BORCHIÀ

PARTIGOLAR DE LA RIPRODUSIÒN GRAFEGA



ARALDEGA



SCRITE SO LA BANDIERA





EL LIÒN



DECORASIÒN DE LE COE



DECORASIÒN DE BAXE



LA RIPRODUZIONE DE LA BANDIERA